

Körnlibank 2018



Körnlibank 2018

Gemeinderat im Pech

Da Martin Kapferer hät im Wii-Lada, bi da Truba nebenzua
Chianti, Grappa und Bier gsoffa wia a Kuha.
Drum isch ihm bim Heimgo d Stross grad entgega gjuckt
Salto mit Velo und sis Gsicht häts bös in Teer ini druckt
Sini Wunda sind genäht wora im Spital z St. Galla oba
doch zum Glück häts ihmsini Festplatta nöd au no verschoba.

Notwendigkeit oder Schikane?

Im Durchmesser fascht fünf Millimeter gross
s Gwicht' nöd mehr als halbes Gramm - es ist famos

registriert unter da Nummera eis-zwo-acht
Paragraf fünf vum neua Reglement Räschter-Fasnacht
Und s isch kaumzum glauba, aber wohr
da isch dia neu Püncherli-Norm für s'höchsti Johr.

Standort für neues Rathaus gefunden

I hör' nach da Fusion scho da Ratsschreiber Graber Urs
mit am neua Gemeindspräsi im mündlich a Diskurs.
Beidi diskutierid im neua Rothusbim Frühstück:
„Wer dörf hüt d Erdbeera im Triebhus beim Eugster pflücka?“

Coiffeurs Wehwechen

De Haarfresser Busch het sich müssein ärztliche Behandlig begäh.
Da Grund isch a wüschtereiterti Zunga -so öpis häsch no nie gsä.
Doch alli Pille und Sälbeli hönd nöd helfe wella
Leida und Schwiega für immer - do druf hät sich de Busch müsse istella.
Doch wa da Doktor und da Patient nöd gmerkt hend - und jetzt kunnt s'Aha.
D Ursach isch nöd Zunge gsi, sondern en abbrochna Zah'.
Dä het am Busch a sinara Zunge kratzt und gschürt,
an Bsuech bim Zahnarzt het zur sofortige Linderig geführt.
Übrigens isch während am Busch sinara
Lidenszit a wunderbari Stilligsi, doch sit är wieder sc hnorra ka,
isc has mit da Ruhe leider wieder verbii.

Ein Haustürverkäufer in Eile

I da Fahrschul han i s sc ho kapiert
wo mis Auto wörd häri parkiert.
Doch i ha zufällig gseh so an Räschter Strassa-Held
wo parkiert hät uf ama Behinderta-Parkplatz-Feld.
Z Widnau bim Migros hör i drum a luts Ta-Tü-Ta-Ta
und da Stefan-Nauer kund vu da Polizei ganz bös dra.
Und för sini wohltätig Spend' vu 250 Franka.
tuat er sich nöd amol bi da Tsc hugger bedanka.
Justi: Dini Crema sind guat, du alta Sc hlufi
aber schmier's doch bitte zuerst i dis Hirni uf.

Zwei Fernsehstars sind geboren

Da Ski-Zirkus isch vom Räbschter Marc Girardelli kommentiert wora
doch zwäschazitlich hät ihn s Fernseh gschickt, üsi Groschli-Schnorra

Dä broat Vorarlberger-Dialekt versteht i dä Schwiiz doch kei Sau
ussert mör Rhintaler, aber auwirwörid us dänäKommentär nöd schlau!

Und au üsa Mämf Bischofbergerhät vill i sini Fernsehkarriära investiert,
an Hochzitsfilm gmacht und bi da Pokalturnier-Vorschau mit Monolög brilliert.
Drum hät man ihn bim FCR Projekt-Filmjetzt sogar als Hauptdarsteller chönä gseh,
villicht wüerer gschieder grad auno am Girardelli sini Skirennä überneh.

Claudias Gefühlswelt

D Begrüssig „Liebi Gäst vu da Sonnenbräu“
ischföör üsari Claudia Graf eigentli nöd ganz neu.
Doch dia Begrüssig passt eifach nöd is Schema
bi da Gwerb-Usstellig vu da GIREMA.

Lisbeth die Alleskönnerin

Mit em Lüschi isc h nöd eifach Kirsche ässe
das wird aud Lisbeth Lutz nöd grad vergässe.
Ihre BuechehaagtuetermdSichtufdStrossversaua,
also wir der vo da Lisbeth sofort radibutz umghaua.

Bald stoht en neue Sichtschutz Lisbeths Garta
doch de nögschti Protest loht nöd lang uf sich warta.

De Lüschi ärgeret sich grüe und blau,
denn jetz tstinkt 'süberall im Quartier wied Sau.
Und d Lisbeth stoht spöter a da Baustell mit Banga und Hoffa
will sie bim Pfohl-Ramma genau d' Gasleitighät troffa.

Drum liebi Lisbeth, wenn du hüt do bischt im Saal,
für die Aktion bechunnscht vo üs de Obervogel-Wanderpokal.

Strick ganz allein

Da Obervogel Dani Strickler isch eigentlich nöd doof

er hockat im Winter ganz allei z Lüchiga im Ribelhof
A Einladig i da Hand, doch niemand kunnt vorbi
will dia FC-Sitzig im Ribelhof sc ho vor ama Johrisch gsi.

Männerchorpräsi braucht mehr Platz

Zehn Liter Glühwii, a Kischta Sunnabräu, an Notaständer
an Doppel-Kinderwaga und sieba Meter Balkongländer
a Aquarium, füzehn Windlapäck und no an Ski
Urs Graber: I ha dir doch gseit, dis Elektro-Auto ischt eifach z kli.

Käsknöpfli aus China

I has im TVO geseh' und das isch kein Witzi
da Fernsehsendig „Menscha i da Ostschwiz“
baut d Familie Van Kesteren an chinesische Spätzliwaga
da André und Nic ole krampfidi und tönd nöd gross klagä.
Sogar da Pensionär Wila fluachat, schrubat und tut kleba,
bösi Zunga behauptidi: Er krampfati no mehrals i sim ganze Berufsleba.

Drei Anlässe an einem Abend sind zwei zuviel

I sött a d Hauptversammlig vum FC
und au da Vortrag über d Biena vom Ivo han i wella gseh.
Und i wär au no gern go tanza zur Pro-Cultura i da Burg oba
doch wa i eu jetzt sägisch kaum zum globa.
Alli drü Anläss sind am gliche Fritig abendgsi
wäg dāna schlächta Planiga schiesst mir nöchstens grad d Milch no i.

Peinliches Missgeschick im Hallenbad

Da Obervogel Otto Graf, üsers Eis
isch wohl scho a chli dement und an alta Greis.
Er isch i da Badi z Heida gedanklic himmer no i da Sauna gsi
und hät drum öpis wichtigs nümma dabi.
Badmantel weg und er stoht am Bassinrand
und allna Badegäscht raubt är da Verstand.

Füdlbluttsteht är im normala Hallenbad, dä armi Tropf
zum Glück fliesst sis Bluat nu no i sin Kopf.
Und alli Fraua grölid entzückt, i glob i spinn
Ächt wäg da Grössli vum Otto sim Ding?

Silis Ferienabenteuer

Da Silvan Strickler hät mit em Flügä so sini Problem,
drum nimmt er da Johr uf Sardinia sis Auto ganz bequem.
D'Fährä hät aber z'Genua gwartet und gwartet ganz vergäbä
Denn scho z'Bellinzona isch dem armaKerli sin Karra abglägä.

Steuern über Steuern

I ha letschthin gmerkt, dass ma för alles irgend a Stür zahlt
mini Rechnig för Gmeind' und au för d Kircha lot mi nöd kalt
Au für s Benzin zahlt ma Mineral-Stür
und d Feuerwehr isch au no choga tüür
För min Hund muss i au viel z viel zahla
und au för mis Ross git s Bezahla Quala.
Neu wänd üsi Politiker jetz au no a Stür för alli Katza lanciera
aber wehe, wänn üsi Gmeind' au no för üs Vögel wett kassiera.

Raserfamilie Litscher

De Litscher und sini Doris wänd es eigas Wohnmobil konstruiere,
doch defür müends jedes einzelni Teili überall häri go organisiere.
Mit de neue Camper-Karosserie fahrt de Jürg stolz hei - mit vollem Garacho,
au bi de Doris im eigene Auto hinter em stiegt d Azeig bim Tacho,
Da Jürg voller Freud 'über sis Schnäppli lacht,
do hät da Radar scho vo beidne zwei Fötelig macht.

In der Stadt der Liebe

Am Marcel Langengger gohts immer ganz mies
wänn är zrugg kunntvu nara Reis'us Paris
Drümolisch da Kilbi-Gugger i da Weltstadt sich go erhola

und drümolhänds ihn usgraubt und ihm allas Gäld gstohla
Drum Mürs: Gang künftig liaberin Zick-Zack go Shoppen mit dinara Frau
dänn isch dis Gäld au ganz schnellzur Sau.

Blasenschwäche ist ungesund

Die ganzi Bevölkerig ka i da Zitig zur Kenntnis näh
dass es im Bahnhof ussa a neus WC hät gä.
Doch dä Luxus kosc ht an Stutzund da find i doch sehr tüür
leider au nöd abziehbar bi üsera Gemeinds-Stür.
Wän i drum künftig min Stuehlgang und min Seich dringend söt lo laufa
lohnt sich sogar a Billet nebenzua bim FC Räbsc hta z kaufu.

Fehler gibts auch in der Verwaltung

Wa isch bloss mit üsere Verwaltiga los.
S Recht zum Abstimma, da gwichtet wir Schwizer doch ganz gross.
Drum be i so schockiert, traumatisiert - i kas kum globa
D Räbschter Ämter hend üs um üsers Stimmrec ht betroga.
Sie wänd wohl nöd, dass mer mitredid, so fles.
Warum sus schribt die evangelisch Kirchgmeind de falsch Ort uf de Stimmuswiis?
Dia Politisch Gmeind isc h o nöd besser, da schlot mir sogar uf da Maga.
Dia verwirrid üs mit eme falscha Datumuf da Stimmunterlaga.
Mer mönd ab sofort um üses Recht kämpfe und da Spiess wieder umtrülle
suschtut am Schluss üsi Verwaltig bi da Fusionsabstimmig alli Stimmauswis grad selber usfülle.

Risikofreudiger Ortsgemeindepräsident

Da Ernst Schönauer isch i d Ferie für e paar Täg
mit em Jeep sinds durchs Land gfahre uf unwegsama Wäg.
Sini Frau het en gwarnt wia gförlichs isch, aber sie het nu könne hoffe,
prompt isch da Ernst mit am Auto immana Schlammloch versoffe.
Er hät möse fremdi Hilf hole - ganz allei.
en Traktor het sis Auto use zoge über Stock und Stei.
Und sini Judith het währeddessa us Trotzwittergelesen i ihrem Buech.
will sie verruc kt gsi ischt wäga däm Ruech.
Und sFazit vu dära Gschicht: D Manna söttid viel mehr uf üs Fraua losa

dänn hettidsies viel schöner und au kei dräckigi Hosa.

Scharfes Essen im neuen Ochsen

I bi mit amaKolleg' im neua Ochsa go essa
und ha a Pizza mit Pepperoni, Chili und Pfeffer gfrässa
und min Freund isch drum scharf woraund isch plötzlich verschwunda
i glob, er hät an Stock höher, s Ochsa-Puff doch no gfunda.

Irrglaube eines Versicherungsspezialisten

Är hät a Anfrage übercho, da Chef vu da Mobiliar
Da Langenegger Stefan hät natürlich zugesait, da isch jo klar.
Und hät Holz gsponsoratföör da Funka vu da Jungwacht.
Doch er hät gmeint, er heg an billige privata Holz-Kaufgemacht.
Und so warteter uf d Holz-Lieferig bis hüt
Isch dä nöd langsam rief föör Pfäffers, liebi Lüt?

Hundegebell im Steueramt

An alta Ma hät mir letschthin verzellt
er heg wella zahla sini Stürschulda mit Bargeld.
Erseg is Rothaus zum Kurt Sieber ufs Amt
und seg döt versc hrocka ganz verdammt.
Döt segöpperhsi mit ara ganz grossa Schnorra
und da alti Ma seg sogar fascht gfrässa wora.
Er isch drum sofort wieder homund da hät sin Grund
er hät nämli nöd gwüsst, wär gföhrlicher ist - da Sieber oder sin Hund

Teure Puncherli

Bi zwei Hochziga nämlic h bim Roger und bi da Kathrin Keel
hönd mör Obervögel nebst Reis au Puncherligworfa uf Reinis Befehl.
Üsara Fasnac hts-Brauc h mit Gsang und Puncherli streua
tuat jedoch dia Verantwortliche z Berneck und üsa Mesmer Xaver nöd freua.
Beidi hönd üs saftigi Rec hniga fürs Aufräumen gesc hickt.
50 und sogar 200 Stutz, da schmeckt nac h amana Konflikt.

Dänn mer Obervögel hönd no rechna glernt zum Glück
dia Pucherli-Aufräumata kostat sage und schreibe ein Franka zwanzg pro Stück.

Liebesleben ade

Dia alti Bahnhofli-Chefin isch wieder z ha
sie sucht im Facebook wia wild an neua Ma.
Da Ex isch uszoga und wohnt wieder allei
und dia heiss Wirtin isch för a neu Liebi wieder frei.

Präsidenten-Spekulationen

Da Alain Sutter und da Hüppi sind neu bim FC St. Galla dabi
beidi sind Fernseh-Kommentatora und uf da Lohnlista vum Schwizer-Fernseh gsi.
Und au da FC Rebstein tuat fest an neue Präsident suacha
i glob bald, da Vorstand tuat jetzt au no an Fernsehma för das Amt buacha.
Denn üsaGirardelli hönds gschickt, är wär jo eigentli au wieder frei
und dä ex Ski-Star hett vu da Birkenau au nöd wit hei.
Und wänn da zwill Chrampfa wärför da Marc
dänn mac hid mörihn halt alsKüngelibock-Präsistark.

Im Rathaus bebt die Erde nie

I da Zitig tuat ma s präsentiera
z Rüthi oba tönds s Rathaus saniera
will s Gebäude nöd ischbereit
för dia vorgschriebni Erbebensicherheit.
Und üsara Rothaustempelisch för so a Sanierig viel z alt
und s Gemäuer hätt drum scho mänga Spalt.
Und üsi Gmeindrötsind stark und gär nöd so dumm
sie fallid nöd grad wäg jedem klinschta Erdbeba grad um.

Beizer bitte aufwachen

Im Kebab-Dreiec k Ochsa, Fantasiaund Subito-Harz-Vier
gits wenigstens för üs lheimischi no a feins Sonnabräu-Bier.
Drum gang i hüt obad no uf ana schöni Beizatourmit

am Apollo vu da AXA-Winterthur.
Doch wegen däna Beizawörd üsers Dorf nöd attraktiver und schöner
as git z Räbsta bald nu no Dürüm, Kebab und Döner.
Drum widmid wir am Räbstock, am Riethof und da Truba a grossas Kränzli:
Danke för Schwartamaga, Rehrugga und Sauasc hwänzli.

Angebot und Nachfrage

As isch bekannt, dass ohni dia Altstätter nüt mehr lauft
jetzt händs sogar am Kutsc her und am Zelt-Mäk sini Geschäfte ufkauf
Ja, wenn mörGlück hönd und s Fragen nödtönd vergässa
hönd's vielleicht sogar för üs Obervögelno Kauf-Interessa.

Hauser baut Häuser oder Umwege in später Nacht

40 Jahre Hausi und do muas au da Bazza Mürs natürli heri go
und vernünftig wie immer, lohter i da Nacht sis Auto lo stoh'.
Am Morge wett d' Mirjam s'Auto und da Ma z' Marpa abhole
doch die zwei Gselle hönd sich i da Nacht davo gmacht uf liesa Sohle
Da Hausi und Mürs laufid ganz eifach druf los
und hole muess mer beidi flüechtfröhlich uf am Stoss

Lüschis Mittagsschlaf ist gestört

Sie hönd a grossas Problem im Weed ussa
as isch fertig mit Schlafa und Essa verussa.
As seg zum verrückt wära, dä Baustella-Lärm
D Nerva am End' und kaputt segid sini Gedärm'.
Da Lüschis und Familie Hänesind derart geplagt
und hönd amana Zitigsreporter geklagt,
sie gängig bald gega d Gmeind' rechtlich vor
wänn da nu nöd wörd a grossas Eigentor?
Denn i könnt da Lüschis eigentli au amol vor da Richter zücha
dänn vor sina Handorgla-Klängkann i au nöd flücha.

Kulturbesessner Geschäftsmann

Dass da Otto Peter bim Musigverein, das weiss jo jede,
en guete Blöser isch, do drüber mönd wir nöd rede.
Er ischt aber au kulturbesesse, drum will er a Konzert go lose,
„Alt-Persische Musik“ i de reformierte Kirche – aber da isch ganz schö id Hose.
Usser ihm ist nämlich kein Mensch ufem Platz,
ganz truurig schlicht er wieder fort, üsara Räbschter Dorfspatz.
Dahom hät er sich denn besser informiert und glese im Internet,
dasss Konzerte Wuche spöter i de katholische Kirche stattgfunde hät.
So hät da Otto-Peter kei Träne müesse verdrucka,
aber s Zwei hät üse Obervogel jetzt sicher uf em Rugga.

Midlife-Krise eines Mitbürgers

Im Alter tuet man zu Schwachsinn neige,
da tuat üs am Benno Keelsis Bispielzeige.
Dänn er hät ganz ungeniert,
sis Gäld in as neus Cabrio investiert.
S Lache chöned wir üs nöd verkneife,
da Benno mit am rote Chlapf uf vier Reife.
I üserne Auge hätsich die Investition nöd glohnt,
sorry, Benno, gsehsch eifach nöd us wie James Bond.

Der Amtsschimmel wiehert

I lese i da Zitig vum ana neua Fasnachts-Reglement
doch mis Hirni sc haltat stur – irgend öppis klemmt.
Dia Verantwortliche gebedsich kei Blössi,
und machid Vorschrifta für lärmigi Musik und wäg da Waga-Grössli.
Kei Alkverkauf, Matora-Lärm verbota und au s' Kiffa
Mues i ächt am Umzug au nach Reglementgo schiffa?

Fusionsgedanken

Üsi Bürger hönd beschlossa, dass ma in a Prüflig investiert,
öbs Sinn macht, dass Räbschta mit Marpa fusioniert.
Sehr motivert sind natürli alli a dia Sach' hära ganga,

ob vo däna Rothus-Chrampferd'Hälfti au wörd langa.
Und wunderschöni neu Wappä hönds präsentiert,
i glob,man hät gschieder an Molwettbewerb i da Primarschuel organisiert.
Doch vom Bauamt, da Fүүrwehr, da Kircha hönds glaub alli scho kapiert,
dass mer au nach einer Fusion als Dorf wieter existiert.
Z' Kriessera, Muntlaga und o z Eichawies sieht manglob o,
s Vereinsläba und da stuur Dörflegeist bliibt trotz allem bestoh.
Drum liebi Marper, kei Angst, mörschaffid da mit gemeinsamer Kraft
Hauptsach' merblibid bi üsem Bier und er suffid witerhin eura Saft!

Reinis Versprecher

Dass a Hochzig Jungi tuet animiere
über ehri Liebi noch z studiere
das ka ma jo erkenne,
aber nöd bi da alta Henne.
Nocham Apéro vo Kathrins Trauig isch d Reini rächt zwäg,
und sagt zu zwei junge Manne uf ihrem Heimwäg,
mit enere Luftschnange i de Hand,
mit oder ohni Verstand,
und jetzt müend er ganz guet lose,
Sie sagt: „Söll i eu eine abe blose?“

Roman's Ärger ist unbegründet

Da Ortsgemeind sis Fernwärmeprojekt
ischt am Roman Gruber nöd ganz suspekt
Er schrieht i da Zitig an Leserbrief und tuat schnorra
viel zvil Wärmi gäng zwischat Altstätta und Räbschta verlora.
Roman: Künftig bruchschd du weder Schneepflug, Salzstreuer no an Krana
dänn dank dära neua Bodeheizigmuest im Winter nümma go bahnal

Präsidenten-Besuch in Rebstein

Da Donald Trump hät uf am Weg as VEF z Davos an Zwüschahalt z Räbschta gemacht
- isch da nöd famos?
Uf am Dorfplatz isch er um anand tramplat mit allna Security
und i bi zuafällig am Spaziera und drum sogar live dabi

Är zeigat ufs Rothus, do mach i mer scho a chli Sorga
"Döt inna regiert my political Freund, the man with da Handorgla"
Und zum Hoor-Fresser Sieber sim Gschäft, do flip i fascht us
sait är zu si na Lüt" This is Obervogel 14 with the best fake news".
Da Donald grift sich is orange Haar und sait dänn ganz ohni Stress Hey Busch:
„Can you make for me dia glich Frisur wia am Gress?"
Und wo är nochher s Geserhusg sieht, sait är uf englisch oder aso
"Könnt i nöd bi euara Aktivierungsgrupp a Päärli Söck go liesma cho?".
I da Goldmühli una suacht da US-Präsi an Cheese-Burger odera Pizza
do rüaft da Hermännli us am alta Kiosk: I schick dir grad mini Ritsa.
Und bim alt-ehrwürdiga Räbstock flüsterad da Trump ganz charmant
„This is my Lady, Zita the Köchin with da best Metzgeta im ganza Land".
Und z letscht frögat mi da Donald vor da Sonnebräu schräg und senil
„Is this dia berühmt Fischer-Bettwarefabrik from Au-Wädenswil?"

Auf Wiedersehen bis zum nächsten Jahr

Hoffentlich hönd merhüt a interessante Körnlibank könne machaund ihr höndüber üsi Sprüch'
herzhaft könne lacha.
Üsi Vers sind übrigens SUVA-prüft und moralisch konformund 100% kompatibel mit da Rassismus-
Strafrechts-Norm.
Und wännihrau amol a guati Gschicht hönd för üsi Körnlibanksägids amana Obervogel-bereits jetzt:
Beschta Dank